

# 1 San Juan

Mamabuinore coyuiyebu Juan mácu ùi toivacaiye báquede iyoca mamayoca ùi paperayocare. Juan mácu barejaquémavu judíovacacu, Galilea ámicurijoborócacu, aru Jesús ùi yávaiye méne beorí coyucójeimaracacu. Ùi mamicu Santiago bácuque moa boaipóescu bácu barejaquémavu, Jesúí órejaquiye jípcare ùi mácu. Lucas bácu coyurejaquemavu Juan mácuí borore Hch 3:1-4:22. Majidivú ne dápiayepe, toivacarejaquemavu diyocare ùi mácu cücü bácu Éfeso ámicuríimari, ne coreóvayie boje ùi mácu Éfesocavu Jesúre ju aipóevare coreipóescu bácu. Apevu ne dápiayepe, toivacarejaquemavu Partia ámicurijoborócavu bácvure. Póescu cubebi majicu ye ujú ùi toivacaiju bácaróre diyocare, ubenita obedivú ne dápiayepe ániujua báquede 87-90 d.C. baji, ùi toivaquiye jípcare ùi coyuiyede Jesucristorá aru Jesucristoi jádovaiye báquede ùi mácu.

Bueipóeva borocurivú bácvu “Jesús ámemi Jūmenijicúí mácu” arí, buenidurejaquemavu Juan mácuí toivacaimara mácvure. Que baru ùi mácu toivacarejaquemavu na mácvure, Jesúre ju aipóevare, ne majinajiyepe ayu jáveneca Jesúre Jūmenijicúí mácu, aru ne torojuráiyepe ayu ne ju aiyequé úre, aru ne majinajiyepe ayu caivú úre ju aivure jáveneca meadaimara mácvu aru járavú cūiméjāravú baquinóre cuvavure úque (1:1-4, 2:18-3:3, 4:1-6, 5:1-15). Na mácvure buedejaquemavu diyocaque caiye pueno jauróre ne uede Jūmenijicure aru Jesúre ju aivure máre (2:9-17, 3:11-24, 4:7-21), aru aipe daíye jauróre Jesúre ju aipóevare ne ámeina teniburu yóbore (1:5-2:8, 3:4-10, 5:16-21).

## Nai Jūmenijicúí dápiainore coyucudayú

(Jn 1.1, 4, 14, 18, 6.68; 1 Jn 2.13-14)

**1** <sup>1</sup>Toivacavú mujare Jesucristorá. Ñai cücü bácu caiyede ùi cuedaquiye jípcamia, aru caride máre ùi cubi. Ùvavari apure dayube póevare apué mamaeque. Majide dayube apué jávene. Que baru ùi majare Jūmenijicúí dápiainore coyucudayube. Ùi cuede ijāravú, ñjavavari jápiarejacadá ùi coyuiyede aru járejacadá úre. Aru úre jáve jári coreóvari jēnejacadá ñja. <sup>2</sup>Ñai apure dayu póevare apué mamaeque cuetedejame ijāravú. Aru ñja járejacadá úre. Que baru coyuvubu ñje jári majié boje. Coyuvubu mujare ùi borore, ñai apucure cainuma. Ùi curejaquemavu majepacu Jūmenijicúque cavaró mearoi. Ùbenita darejaquemavu nore jocarí pu ijāravú, cuetecuyu yui. <sup>3</sup>Ùrivubu ñja muje yóvaráiyepe aivú ñjaque cūinávure cūináturu maje úmei,

majepacu Jūmenijicúque aru mamacu Jesucristoque máre. Que baru ñja coyuvubu mujare ñje jáiye báquede úre, aru ùi bueiye báquede máre. <sup>4</sup>Que baru toivacavú yu mujare iye coyuiyede, maje mearo torojuráiyepe aivú maje úmei.

## Jūmenijicú ámeina daíyue cubecu

<sup>5</sup>Iye yávaiyede Jesucristo coyurejame ñjare. Aru caride ñja coyuvubu iye yávaiyede mujare máre. Jūmenijicú miadárope páyube. Que baru meacube ù. Jūmenijicure ñeminijino cubevú. Que baru ámeno cubecube ù. Miadároque póeva jáivubu aipe árojarore ijāravure. Nopedeca Jūmenijicú jádovaiyubi póevare ne majinajiyepe ayu ù meacure. <sup>6</sup>Maja ámenore daivuvavari, “Majepacu Jūmenijicúque yóvaivubu maja cūinávure cūináturu maje úmei” aivú baru, ðabevuvavari mearore, borocurivubu maja. Ùbenita jáve ñeminoi curivupe daivubu maja ámenore. <sup>7</sup>Ùbenita maja daivú baru

mearore Jūmenijicupe, aru yópe miadároi curivupe baru, jáve maja curājaramu cūinávupe cūináturu maje ūmei. Aru Jūmenijicui mácu Jesús bojedarejame maje yóvayede Jūmenijicuque ūi jiveque, ūi yaicáiyē báquede majare maje ámeina teiye boje. Que baru Jūmenijicu árumeteibi maje ámeina teiyede, Jesúi đacaiye báque boje majare.

<sup>8</sup>Maja aivū baru “Ámeno cubevu majare”, jujovaiuvu maje bajuma. Que aru, maje aiyē jáve ámevu aru Jūmenijicui jáve coyuiye cubevu majare. <sup>9</sup>Ūbenita maje coyuru Jūmenijicure aipe maje ámeina teiyede, Jūmenijicucapūravu árumeteni jaruvacuyume diede. Nópe đacuyume ūi đaiye boje cainumua yópe “Đacacuyumu yu mujare”, ūi aiyē báquepe, ūi đaiye boje mearore quéda. <sup>10</sup>“Ámenore đabevu maja” aivū baru, Jūmenijicure borocucupe dápaiuvu maja aru jáve ju abevu maja ūi yávaiyede.

#### **Cristo majare me coyucayu**

(Jn 14.15, 21, 23; Ro 6.11-14; 1 Jn 4.10)

**2** <sup>1</sup>Muja, jímajinape paivū, toivacaivū mujare diede, muje đabenajiyepē ayū ámenore. Ūbenita ácu pōecu ámenore đarīburu yóbore, apecu cubi majare coyurī cadateni coyucacuyū me majeracu Jūmenijicuque maje borore. Aru ñai majare cadatecuyū, úrecabe Jesucristo, ñai meacu baju Jūmenijicui jáinore. <sup>2</sup>Aru ñai Jesucristovacari yaidéjame majare boje. Ūi yaiye boje, Jūmenijicu árumeteibi maje ámeina teiyede. Que baru maje meateimūme ū majeracu Jūmenijicuque, maja aru caivū ijāravucavū máre.

<sup>3</sup>Maja đaivū baru yópe Jūmenijicui đaicōjeiyepē buođadvū maja coreóvaivū Jūmenijicure. <sup>4</sup>Ūbenita ñai pōecu “Yu coreóvaivū Jūmenijicure” ayū baru, đabecuvacari yópe Jūmenijicui đaicōjeiyepē, borocucube ū. Que teni Jūmenijicui jáve coyuiye cubevu úre. <sup>5</sup>Ūbenita ñai đayū yópe Jūmenijicui đaicōjeiyepē, úrecabe jáve coreóvayū me

aipe đarī uscū Jūmenijicure. Que teivū maja coreóvaivū curivū Jūmenijicuque cūinávupe, cūináturu maje ūmei. <sup>6</sup>Aru ácu pōecu “Yu yóvaivū Jūmenijicure cūinávupe” ūi aru, úre cue javū yópe Jesucristovacari ūi cue báquepedeca.

#### **Đaicōjeino mamaro**

(Jn 13.34, 15.12; Ro 13.12-14; Stg 1.27)

<sup>7</sup>Muja, jívu, ji umara, yo đaicōjeino, ji toivacaino mujare caride, đaicōjeino mamaro ámevu. Quéhora cūináturū no đaicōjeino yo muje ju aino mácarō mamarumure ju aivu Jesúre. Que baru javede muja jápiarejaquemavu yo đaicōjeino javecarōre. <sup>8</sup>Ūbenita yo ji toivacaino mujare đaicōjeino mamarotamu máre. Aru yo mamaro jávemu. Cristo ūi đaiye jáđovaivū nore jáve, aru muje đaiye máre. Pōeva ne Jūmenijicui yávaiye méne majibede, ñeminoi curivupe paivūbu. Aru ne majiéde diede, miadároi curivupe paivūbu. Que baru Cristo daiyede yópe miadáre đaiyepē ijāravūi yo ñemino mácarō bíjare nuivu caride. <sup>9</sup>Ñai pōecu “Cuvū yu miadároi, đayū mearore yópe Jūmenijicui cōjeiyepē” ayūvacari ūbecu baru ū jicure, ñeminoi cubi ū cāreja. Que baru đabebi ū mearore. <sup>10</sup>Ñai uscū ū jicure cubi ū yópe miadároi cucupe. Que baru đaiibi mearore. Aru ye ámei vainí turī đare đabecube apecure ámenore. <sup>11</sup>Ūbenita ñai ūbecu ū jicure cubi ū yópe ñeminoi cucupe. Que baru đaiibi ámenore. Que teni ye coreóvabebi aipe đaiye jaurōre úre. Ūi ámeno đaiye boje, buojabebi dápaiayū coreóvayupe. Que baru ūi dápaiaino ñeminomu yópe pōecu jári eabecu ñeminoi coreóvabepē ári ūi nuinore.

<sup>12</sup>Muja, jímajinape paivū, yu toivacaivū mujare Cristo ūi yaicáiyē báque boje mujare, bojedacuyū muje ámeina teiyede. Que baru Jūmenijicu árumeteibi muje ámeina teiyede. <sup>13</sup>Aru muja, jíbcuvare paivū, yu toivacaivū mujare muje coreóvaiye boje ñai cucupe caiyede ūi cuedaquiye jipocamia. Aru muja, vojūvu, yu toivacaivū mujare máre muje vainí tuiye boje ñai abujuvai jabocure.

Aru m̄ja, j́m̄ajinape paiv̄u, yu toivacaiv̄u m̄jare m̄je coreóv̄aiye boje majepacu J́menijicure. <sup>14</sup> Aru m̄ja, j́b̄uc̄vape paiv̄u, yu toivacaiv̄u m̄jare m̄je coreóv̄aiye boje ñai c̄uc̄re caiyede ñi cuedaquiye jipocamia. Aru m̄ja, boj̄v̄u, yu toivacaiv̄u m̄jare máre m̄je c̄v̄ae boje J́menijicui yávaei méne m̄je ūmei, aru m̄je ju aiyē boje diede par̄r̄oque, aru m̄je vainí tuiye boje ñai abujuvai jabocure.

<sup>15</sup> Ūbejarā m̄ja iyede, ij̄arav̄ucav̄u J́menijicure ju abev̄u ne uede. Aru ūbejarā yo ij̄arav̄ucarō cūiquinore máre. Ñai ūcu baru ij̄arav̄ure aru ij̄arav̄uquede máre, ñai b̄ujobebi ūcu majepacu J́menijicure. <sup>16</sup> Que baru ina ij̄arav̄ucav̄u ne dápiaino, ne ur̄o, aru ne c̄varō máre J́menijicu jino ānev̄u. Quénora ij̄arav̄ucav̄uacari jinomu no. Aru ñai abujuvai jabocu jinomu no. Ðaiȳuriv̄u yópe ne āmeina Ðaiȳere. Aru c̄vaiȳuriv̄u caiye iye āmene ne jáiyede. Aru, “¿Meara m̄rica caiv̄u ap̄ev̄u p̄eno?” arí cuiȳuriv̄u. <sup>17</sup> Ūbenita ij̄arav̄ucav̄u b́jare nuiv̄u ne āmeina Ðaiȳere. Quénora ñai Ðaȳu yópe J́menijicui ūr̄ope c̄vac̄ȳume j̄arav̄u cūiméj̄arav̄u baquinóre.

**Jāve aiyē aru boroc̄e**  
(1 Co 2.10-16)

<sup>18</sup> M̄ja, j́m̄ajinape paiv̄u, joabenomu ij̄arav̄u cūiquino. Javede jápiadav̄u m̄ja cūinác̄u dac̄ȳure, ñai Cristoi mauc̄u bac̄ȳare. Aru caride obediv̄u mauc̄variv̄u Cristore. Que baru coreóv̄aiv̄u maja joabenore ij̄arav̄u cūiquinore. <sup>19</sup> Ina Cristore mauc̄variv̄u maje j̄eneboi c̄teima. Ūbenita majev̄u āmema. Que baru etadama na majare jocarí. Majev̄u baru, c̄jebu na majaque. Ūbenita ne etaiye báque boje majare jocarí, majidiv̄u maja majev̄u ānev̄ure.

<sup>20</sup> M̄jareca Cristo daroibi Esp̄ritu Santore. Que teni ñai Esp̄ritu Santo majide Ðaibi m̄jare yávaeiye j̄avene aru jāve āmene máre. Que baru caiv̄u majidiv̄utam̄u m̄ja. <sup>21</sup> Yu toivacabev̄u

m̄jare m̄je majibe boje iye yávaeiye j̄avene. Quénora yu toivacaiv̄u m̄jare m̄je majié boje diede, aru m̄je majié boje iye boroc̄bede, iye jāve coȳuiye.

<sup>22</sup> Ácu p̄oc̄u “Jesús J́menijicui mácu Cristo āmemei” ayu baru, ūrecabe boroc̄cu. Ñai nópe ayu mauc̄vaibi Cristore. Que teni ju abebi J́menijicure aru Cristore máre. <sup>23</sup> Ácu p̄oc̄u “Jesús J́menijicui mácu Cristo āmemei” ayu baru, yóvabec̄be majepacu J́menijicure. Ūbenita ñai “Jesús J́menijicui mácu Cristobe” ayu baru, ūrecabe yóvaȳu majepacu J́menijicure máre.

<sup>24</sup> Que baru ār̄ujara iye J́menijicui yávaeiye méne m̄je jápiayē báquede m̄je ju aiyē báquede Jesúre mamarum̄re. Me dápiarā iye yávaeiyede j̄avene m̄je ūmei. M̄ja me dápiav̄u baru iye m̄je jápiayē báquede, m̄jacap̄urav̄u yóvar̄ajaramu J́menijicui mácu Jesucristore, aru J́menijicure máre cūináv̄upe, cūináturu m̄je ūmei. <sup>25</sup> Aru yorecabu Jesús “Yu c̄vare Ðac̄ȳumu m̄jare j̄arav̄u cūiméj̄arav̄u baquinóre”, ñi aino mácarō.

<sup>26</sup> Yu toivacaiv̄u m̄jare m̄je majinajiyēpe ayu ap̄ev̄u ne borore, ina m̄jare juovaiȳuriv̄ure. <sup>27</sup> Ūbenita m̄jacap̄urav̄u javede jacor̄quemav̄u ñai Esp̄ritu Santore, c̄c̄ure m̄jaque, Jesucristo ñi daroim̄u mácure m̄jare. Aru ñai Esp̄ritu Santo bueibi m̄jare caiyede. Aru ñi bueiye m̄jare j̄avetamu. Boroc̄betamu die. Que baru ap̄ecu jaubebi m̄jare majicac̄ȳu iye yávaeiyede j̄avene. Que baru yóvajarā m̄ja Jesucristore cūináv̄upe cain̄m̄a, cūináturu m̄je ūmei.

<sup>28</sup> Aru m̄ja, j́m̄ajinape paiv̄u, quédata yóvajarā m̄ja Jesucristore cūináv̄upe, cūináturu m̄je ūmei caride aru p̄u ñi copaidaquij̄arav̄uita, maja númuri aiv̄u ñi jipocai j̄ub̄ev̄v̄a aru c̄yojarō máre c̄beda. <sup>29</sup> Coreóv̄aiv̄u m̄ja Jesucristore meacu bajure J́menijicui jáinore. Que baru coreóv̄aiye j̄av̄u m̄jare iyede máre: Caiv̄u Ðaiv̄u mearore, nárecabu J́menijicui mára.

### Jūmenijicui mára

(Jn 1.12, 29; He 2.14-15)

**3** <sup>1</sup>“Jímaratamu mŷja”, aibi majepacu Jūmenijicu majare. Que baru coreóvaivubu maja aipe Jūmenijicu urarō ucure majare. Aru jāve ūi mǎratamu maja. Ūbenita apevu pōeva ijārvacavu coreóvabema majare. Jūmenijicure aru Jesucristore máre coreóvabema na. Que baru majare máre coreóvabema na.

<sup>2</sup>Mŷja, jívu, ji ūmara, caride Jūmenijicui mǎratamu maja. Ūbenita coreóvabevu maja cǎreja aipe ārojarajivu bǎrǎjivure yóbore. Quédata coreóvaivubu maja Jesucristoi daquiyede ūpe tenajivu, maje jári majinajije boje ūre aipe ārojacure.

<sup>3</sup>Aru caivu maja napini coreívubu Jūmenijicui oatvaquiyede majare maje Cristope barǎjijyéde, ċare numemuri āmeina teiyede. Quéhora mearore ċaiyurivubu yópe Cristovacari mearore ċaiyepe cainumua, ūi me boje.

<sup>4</sup>Caivu ina āmeina teivu ju abema Jūmenijicui ċaicōjeiye báquede. Que teni maucvadamama Jūmenijicure. Que baru āmeina teiye cūináturubu ju abepedeca Jūmenijicui ċaicōjeiye báquede. <sup>5</sup>Jesucristo cūetedejame ijārvai jaruvacŷu āmeina teiyede. Aru ūcapūravu meacu bajube. Que baru ye āmeina teiye cubevu ūre.

Javede coreóvaivubu mŷja diede. <sup>6</sup>Que baru caivu maja yóvaivu Jesucristore cūinávpe, cūináturu maje ūmei, āmeina tévabevu. Ūbenita caivu ina āmeina tévaivu ye jápiarí eabema Jesucristore aru coreóvabema ūre.

<sup>7</sup>Mŷja, jímajinape paivu, jápiabejará ina jujovaiyurivure mŷjare. Ūnai ċayu mearore cainumua ċaibi mearore yópe Jesucristovacari ūi ċaiyepe mearore cainumua. <sup>8</sup>Ūbenita ūnai ċayu āmeina teiyede, ūnai abujuvai jabocu jicube. Mamarumure ūnai abujuvai jabocu maucvarejaquemavu Jūmenijicure. Que teni mamarumure aru pu caride máre, cainumua āmeina teiyede ċaibi ū. Que barureca darejame Jūmenijicui mácu, jaruvacŷu ūnai abujuvai jabocui

ċaiyede. <sup>9</sup>Caivu maja Jūmenijicui mára Jūmenijicui apure ċaiyede mamaene cuvavu maja. Que baru cūinácu cubebi Jūmenijicui mǎracacu cōmajije ċayu āmeina teiyede cainumua. Aru āmeina tévayu buojabebi ū. <sup>10</sup>Ácu pōecu mearore ċaiyubecu baru, Jūmenijicu jicu āmemi ū. Aru ácu pōecu ū jicure máre ubecu baru, Jūmenijicu jicu āmemi ū. Que baru coreóvaivubu maja ūamene Jūmenijicui mǎrare aru ūamene abujuvai jabocui mǎrare máre.

### Ūrǎjarevu maja majevure

(Jn 5.24, 13.34, 15.12-13)

<sup>11</sup>Jápiavubu mŷja iye yávaiyede mŷje ju aiye báquede Jesúre mamarumure aru caride máre. Ūe javvu majare majevure. <sup>12</sup>ċaiye javbevū majare yópe Caín mácu ūi ċaiye báquepe. Ū mácu ūnai abujuvai jabocu jicu barejaquemavu, aru boarí jaruvarejaquemavu ímacu bǎcure. ċAipe teni boarí jaruvarejaquemari ū mácure? Caín mácu ċare nurejaquemavu āmenore Jūmenijicui jáinore. Ūbenita ímacu bácu ċare nurejaquemavu mearore Jūmenijicui jáinore. Que baru Caín mácu boarí jaruvarejaquemavu ímacu bǎcure ūi baju jorojínina.

<sup>13</sup>Mŷja, jívu, cūcumamejara mŷja ina ijārvacavure Jūmenijicure ubevu ne ubede mŷjare máre.

<sup>14</sup>Jipocamia maja yaivu bǎcavupe paivvacari, apurivupe barejávū. Ūbenita caride apué mamaene cūarivubu maja. Aru coreóvaivubu maja apurivure jāve caride, maje ūe boje majevure. Ūbenita ūnai ubecu ū jivure apucvacari caride, jāve yaivyú bǎcure páyube ū. <sup>15</sup>Ácu pōecu ubecu ū jicure, boaipōecure páyube ū. Aru coreóvaivubu mŷja boaipōecu cubecure apué mamaeque. Que baru cuvabecube ū jǎravu cūiméjǎravu baquinóre.

<sup>16</sup>Jesucristo jáđovarejame majare aipe ċarí maje urǎjínore majecure, yaicáyu majare boje. Quédecá ċaiye javvu majare máre, jívu maje bajure yaicáivu majevure boje. <sup>17</sup>Ácu pōecu cūve cuvacu baru aru jáñu maru ū jicure cūve cuvabecure ūre javéde, ūbenita yéde

jíbecu ñai cõmaje ãrojacure cadatebebi úre. Jáve “Yũ uvu Jũmenijicure ji úmeque”, arí buojabebi ũ. Quénora ñai cõmaje ãroje jámecu ubebi Jũmenijicure jáve. <sup>18</sup>Mũja, jímajinare paivu, quéda “Uvu yu jícare” abenajarevu. Quénora jádovarajarevu urivu majevure maje ðaiyeque. Que baru cadatenajarevu náre.

**Jidubevuva Jũmenijicui jáinore**  
(Jn 13.34, 15.12, 17)

<sup>19</sup>Maja urivu baru majevure jáve, coreóvaivubu maja ðaivure yópe Jũmenijicui yávaiye jávepe. Que teni cãrijimevva maje úmei jidubevu maja Jũmenijicui jáinore. <sup>20</sup>Ubenita maja jidurivu baru maje dápiaye bojedabevu yópe Jũmenijicui yávaiye jávepe, cãrijiyi jaubevu majare. Que baru maja ñájine ðabenajaramu maje bajure maje dápiaye boje. Quénora Jũmenijicu ñájine ðacuyume majare ũi majié boje caiyede. <sup>21</sup>Mũja, jívu, ji umara, maja jidubevu baru maje dápiayeque, ména curivubu maja Jũmenijicui jáinore, jëniarajivu úre maje uede. <sup>22</sup>Aru Jũmenijicu ðacacuyume majare caiyede yópe maje jëniayepere úre, maje ju aye boje ũi ðaicõjeiye báquede aru maje ðaiye boje yópe ũi urõpe. <sup>23</sup>Jũmenijicu ðaicõjeimi majare, maje ju arãjiyepere ayu mamacu Jesucristore, aru maje urãjiyepere ayu majevure, yópe Jesúi ðaicõjeiyepe. <sup>24</sup>Caivu maja ju aivu Jũmenijicui ðaicõjeiye báquede yóvaivubu Jũmenijicure cüinávupe, cüináture maje úmei. Coreóvaivubu maja Jũmenijicui cuede majaque, maje cuvae boje ñai Espiritu Santore, Jũmenijicui daroimu mácure majare.

**Jũmenijicui Espiritu Santo aru ñai Cristore maucuvacu**  
(Mt 7.15; Jn 8.47, 15.19; 2 Jn 7)

**4** <sup>1</sup>Mũja, jívu, ji umara, ju abejarã mũja caivu ina “Jũmenijicui Espiritu coyucõjeimi yure” aivure. Ubenita cainumua cüinácu põecu “Que aibi Jũmenijicu” ũi arí coyuru, jári coreóvajarã mũja ũi coyuyede, majinajivu jáve Jũmenijicui Espiritu

dápiacõjeñure úre. Que ðajarã mũja, obedivu Jũmenijicui yávaiyede coyucõpõevape teniduvu ne ðaiye boje. Coyure cuivubu “Jũmenijicui yávaiyede coyucõpõecubu yu” aríduivu. Ubenita borocurivubu na. <sup>2</sup>Coyucõjivuvu mũjare aipe ðarí coreóvarí buojarãjivure cüinácu põecu dápiayure yópe Jũmenijicui Espiritu ũi cõjeiyepe. Caivu ina aivu “Jesucristo, Jũmenijicui mácu, jáve daibi põecupe ijãravui”, dápiavubu na yópe Jũmenijicui Espiritu ũi dápiacõjeiyepe. <sup>3</sup>Ubenita ñai jáve dápiabecu yópe Jũmenijicui Espiritu ũi dápiacõjeiyepe, dápiaibi yópe Cristoi maucu ũi dápiayepere. Javede jápiadavũ mũja ñai Cristoi maucu dacuyure. Aru caride curivubu ijãravui ina Jũmenijicui yávaiyede coyucõpõevape teniduvu, ubenita borocurí. Yópe Cristoi maucu ũi dápiayepere dápiavubu. Que baru borocueque coyuvubu na.

<sup>4</sup>Mũja, jímajinare paivu, mũjacapũravu Jũmenijicu jinatamu. Que baru Jũmenijicui Espiritu Santo dápiacõjeimi mũjare. Ijãravucavu Jesúre ju abevu ñai abujuvai jabocu jinatamu. Aru ñai abujuvai jabocu dápiacõjeimi náre. Ubenita parucube ñai dápiacõjeñu mũjare, ñai náre dápiacõjeñu pueno. Que baru mũja vainí tuivubu ina Jũmenijicui yávaiyede coyucõpõevape teniduvu borocurivure. <sup>5</sup>Nãcapũravu ijãravucavu Jesúre ju abevu névutamu. Que baru cainumua coyuvubu na ijãravuquede. Aru ina jápiaivu náre máre ijãravucavu Jesúre ju abevutamu na. <sup>6</sup>Ubenita majacapũravu Jũmenijicu jinatamu. Ñai coreóvayũ Jũmenijicure torojucu jápiaibi maje bueiyede. Ubenita ñai coreóvabecu Jũmenijicure jápiabebi maje bueiyede. Que ðarí coreóvaivubu maja ñamene coyuyure yávaiyede jávene aru ñamene yávaiye borocuede.

**Jũmenijicu ubi põevare**  
(Mt 5.44-45; Mr 12.29-31; Jn 1.18, 3.16-17; Ro 8.9; 1 Jn 3.24)

<sup>7</sup>Mũja, jívu, ji umara, Jũmenijicu ure ðaibi majare majevure. Que baru ue

jaunu majare majevure. Caivu urivu arevure Jūmenijicui maramu maja. Aru coreóvaivubu maja Jūmenijicure máre. <sup>8</sup>Jūmenijicu ubi caivu pōevare. Que baru ñai ubecu ũ jivure, Jūmenijicure coreóvabebi ũ. <sup>9</sup>Jūmenijicu jáđovarejaquemavu ũi urōre majare daroyu bācu mamacure cūinácura yui ijāravui, maje cūvarājiyepe ayu jāravu cūimējāravu baquinóre, mamacui yaiye báque boje majare. <sup>10</sup>Maja buojari urivubu Jūmenijicure quíjinora. Ūbenita Jūmenijicu buojari ubi majare pñeno urarō baju. Yópebu Jūmenijicui ue jāve: Jūmenijicu darorejaquemavu mamacure ijāravui, jícuu ũre ũi yaicáquiyepe ayu majare boje, Jūmenijicui ārumetequiyepe ayu maje āmeina teiyede.

<sup>11</sup>Maja, jívu, jí ũmara, nópe urarō baju ubi Jūmenijicu majare. Que baru nopedeca ue jaunu majare máre maje baju. <sup>12</sup>Ácu pōecu Jūmenijicure jáñu mácu cubebi ũ. Ūbenita maje uru majevure, Jūmenijicu yóvaibi majare cūinávure, cūináturu maje ũmei. Que teni coreóvaivubu me aipe đarí buojari urivu Jūmenijicure jāve. <sup>13</sup>Jūmenijicu darorejaquemavu ñai Espiritu Santore, ũi cuquiyepe ayu majaque, maje majinajiyeye ayu jāve Jūmenijicui yóvaiyede majare aru maje cūvaede ũre máre cūinávure, cūináturu maje ũmei. <sup>14</sup>Aru ñu javacari járejcarā Jūmenijicui mácure. Que baru coyivubu majepacu Jūmenijicui daroie báquede mamacure ijāravui. Pōevare coyivubu majepacu daroie báquede mamacure, ũi meadaquiyepe ayu ijāravucavure abujuvai jabocui paruéde jaruvari. <sup>15</sup>Ácu pōecu “Jesucristo Jūmenijicui mácube” ayu, ũ jāve yóvaibi Jūmenijicure aru Jūmenijicu máre yóvaibi ũre cūinávure, cūináturu ne ũmei.

<sup>16</sup>Que baru maja coreóvaivubu Jūmenijicu ucure majare. Aru ju aivubu maja diede jāve. Jūmenijicu ubi caivu pōevare. Ñai ucu Jūmenijicure aru arevure máre cainmua, ũrecabe yóvaYu Jūmenijicure aru Jūmenijicu

máre yóvaibi ũre cūinávure, cūináturu ne ũmei. <sup>17</sup>Coreóvaie jaunu majare aipe đarí maje urōre Jūmenijicure jāve, jidubenajivu ũi ñájiovaquijāravu baquinóre āmeina teivure. Jesucristoi pacu Jūmenijicube. Aru maja máre, ijāravu cūrivui pacube ũ. <sup>18</sup>Ñai ucu Jūmenijicure jāve jidubecube ũre ũi ñájiovaquijāravu baquinóre. Ū majibi Jūmenijicu ñájine đabecuyure náre, ina urivure ũre jāve, ne āmeina teie boje. Que baru jidubecube ũ. Ūbenita ácu pōecu jiducu baru, buojabebi ucu Jūmenijicure jāve cāreja.

<sup>19</sup>Jūmenijicucapūravu urejaquemavu majare mamarumure. Que baru maja máre uvu Jūmenijicure caride. <sup>20</sup>Ñai “Jūmenijicure uvu yu” ayu baru, aru que ayuvacari ubecu baru ũ jicure, ñai pōecu borocubi ũ. Ñai ubecu baru ũ jicure, ũi jáimure, jāve buojabebi ucu Jūmenijicure, ũi jámemure. <sup>21</sup>Que baru đaicōjeimaramu maja. Ñai ucu Jūmenijicure, ujacurí ũ jicure máre.

#### Maje vainí tuino ijāravucarō āmenore (Mt 11.30; Jn 14.15; 2 Jn 6)

**5** <sup>1</sup>Caivu “Jesúrecabe Jūmenijicui mácu Cristo” aivu, Jūmenijicui maramu maja. Cūinácu ucu baru apecui pacure, mamacure máre ubi ũ. <sup>2</sup>Que baru maja urivu baru Jūmenijicure aru đaivu baru yópe ũi đaicōjeie báquepe, coreóvaivubu urivu Jūmenijicui mārare máre. <sup>3</sup>Ñai ucu Jūmenijicure đayube caiyede yópe ũi đaicōjeie báquepe. Aru caiye iye Jūmenijicui đaicōjeie báque maiyójabevu ñai pōecure ũi đaiyede. <sup>4</sup>Caivu ina Jūmenijicui mára vainí tuivubu caino no ijāravucarō āmenore. Jesucristo javede vainí turejaquemavu ijāravucarō āmenore. Que baru maje ju aie boje ũre maja máre vainí tuivubu nore. <sup>5</sup>Ñai ju ayu Jesucristore, Jūmenijicui mácure, ũrecabe vainí tuyu ijāravucarō āmenore.

#### Jūmenijicui mácurā jāve coyūino (Jn 3.36, 5.32-37, 8.18)

<sup>6</sup>Ñai Jesucristorecabe dayu bácu ijāravui. ũrecabe jáđovaimu mácu

Jūmenijicui mácu ocoque, Juan Bautista bácu ũi jáđovaiye báquede úre Jūmenijicūque ocoque. Ūbenita quéda ocoque jáđovaimū mácu Jūmenijicūque āmeme ũ. Quénora úrecabe jáđovaimū mácu Jūmenijicui mácu jiveque máre, ũi yaiye báquede jocusjaravena aru ũi nacajaiye báquede yainore jaruvarí. Nāi Espírítu Santovacari cainumua borocubecu ju aibi diede jāve. <sup>7-8</sup>Maja coreóvaivubu Jesucristore Jūmenijicui mácure jāve bajure yóbecue jáđovaiye cue boje. Mamarumure nāi Espírítu Santo coreóvare đayube diede. Aru maja coreóvaivubu diede Jesús ũi jáđovaiye báque boje Jūmenijicūque ocoque. Aru coreóvaivubu diede máre, Jesús ũi jive meiyé báque boje ũi yaiyede. Caiye iyeque coreóvaivubu maja Jesucristore Jūmenijicui mácure jāve bajure. <sup>9</sup>Pōeva “Jāvemū no” ne aiyede, maja ju aivubu náre. Ūbenita apenumua pōeva borocuma na. Ūbenita Jūmenijicucapūravu borocubecube cainumua. Que baru pūeno baju jāvu majare maje ju aiyé úre. Aru Jūmenijicuvacari “nāi jímacu”, arí coyūibi Jesucristorā. <sup>10</sup>Nāi ju ayu Jūmenijicui mácu Jesúre, majibi ũi ũmei Jūmenijicui coyūiye báquede jāvene. Ūbenita nāi ju abecu Jūmenijicui mácu Jesúre, yópe borocucupe dápiaibi Jūmenijicure, ũi ju abe boje Jūmenijicui coyūiye báquede mamacurā. <sup>11</sup>Iye Jūmenijicui coyūiye báquebu ũi cūvare đaiye majare jāravu cūiméjāravu baquinóre. Aru Jūmenijicu cūvare đaibi majare diede maje ju aiyede mamacure. <sup>12</sup>Nāi yóvayu Jūmenijicui mácure cūvabi jāravu cūiméjāravu baquinóre úque máre. Ūbenita nāi yóvabecu Jūmenijicui mácure cūvabebi jāravu cūiméjāravu baquinóre úque.

**Toivarí buojarí majicaino**

(Mt 7.7-11; Lc 11.9-13; Jn 15.7, 16, 16.23-24, 17.3, 20.31; 1 Jn 3.21-22)

<sup>13</sup>Caiye iyede yu toivacaiyu mujare, Jūmenijicui mácure ju aivure, mūje

majinaiyere ayu cūvarivure jāravu cūiméjāravu baquinóre úque.

<sup>14</sup>Coreóvaivubu maja maje jēniaiyede Jūmenijicūque yópe ũi ũrōpe járiayure majare. Que baru jēniaivubu úre jidubevuva. <sup>15</sup>Aru yópe maje majiépedeca járiayure maje jēniaiyede, quédeca majivu maja maje jēniaiyede Jūmenijicūque jacorūivure diede.

<sup>16</sup>Cūinácu pōecu jāñu maru ũ jicure āmeina teyure aru majicu baru Jūmenijicu ārumeteni buojayure no āmeina đainore, jēniacaiye jāvu nāi pōecure ũ jicure boje, ũi cūvaquiyere ayu jāravu cūiméjāravu baquinóre. Aru Jūmenijicu ārumeteni majicu baru, cūvare đacuyume úre jāravu cūiméjāravu baquinóre úque. Ūbenita cūinácu pōecu āmeina đayu baru Jūmenijicui ārumeteni buojabede, nāi pōecu nājicuyume, coateyu Jūmenijicure jaruvarí. Yu coyūbevu mujare mūje jēniacaiyede Jūmenijicūque nāine. <sup>17</sup>Caiye pōeva ne āmeina đaiye, diedecabu āmeina teiye. Ūbenita ape āmeina teiye coatede đabevu pōevare Jūmenijicure jaruvarí. Quénora Jūmenijicu ārumeteibi diede.

<sup>18</sup>Majidivubu maja caiyu ina Jūmenijicui mārare đare numevure āmeina teiyede caride. Jūmenijicui mácu coreibi náre, abujuvai jacobu ũi imequiyere ayu náre. Que baru āmeina đare numema na. <sup>19</sup>Coreóvaivubu maja Jūmenijicui mārare. Ūbenita caiyu apēvu ijāravacavu cūma abujuvai jacobu đaicōjeimara. <sup>20</sup>Aru majidivubu maja Jūmenijicui mácure đayu bācure ijāravui, ũi coreóvare đaquiyere aivu majare nāi Jūmenijicure jāve. Maja curivubu úque, Jūmenijicu jāveque. Aru curivubu maja Jūmenijicui mácu Jesucristoque máre. Jesucristo Jūmenijicutame. Aru cūvare đaibi majare jāravu cūiméjāravu baquinóre úque. <sup>21</sup>Mūja, jímajinape paivu, jíbejarā mūja mearore pēpeimarare. Quénoramū.